

# Фермин көдлмш ясрулхд оньган өгхмн

Приозери районы Чкаловин нертә совхозин дөрвдгч фермин (управляющнь ұр Свиридов) көдлмш дегд сулар кеглдж, ард хоцрдж йовна. Совхозин көдлмшчирин өмн ода ик төр болдж—малд ўвлин хот белдлгнә керг тәвгдсн бәәнә. Эн көдлмшиг августин 15 күртл күңәдж төгсәхмн гидж мана таньгъчар нег сара болзг зарлгдсн. Болв тер бийнь эн фермәр мал ўвлзүлгънд белдлгнә көдлмш урдк кевтән хашнъгар күңәгддж йовна.

Өвс хуралгъна зурань күңәгддж бәәхмн уга. Энүнә учрнь—көдлмшчирин күч-көлснь муугъар бүрдәлгън. Ўлгүринь келхд, көдлмшчир өдр болгън фермас 15 километр оч көдлцхәнә. Эдниг көлгәр күргәд, хәру авч ирнә. Тиигәд, көдлмшин өрәл өдрән эдн нааранцааран йовлгънд ұрәнә. Норман күңәджәх улс эдн дунд төрүц уга.

Мал хәләдж асрлгъна көдл-

мшт ик дуту-дунд бас үзгдджәнә. Тиигәд чигн малас гару гарлгън уурлуга бәәнә. Зәрм отармудар хургъд ўкәд бәәнә. Суўлин хойр сард зуг нег отарар 160-шаху хургъд ўкв.

Эн ферм деер 50 шаху хальмг өрк-бүл нүүдж ирсн бәәнә. Элниг түргәр көдлмшт орулдж авад, бәәх бәәринь ўвлин китн эклтә олдж, ясдж өгх кергт сулар оньг тусхагддж бәәнә. Шавр кирпич кех бригад 6 күүнәс бүрдәгдлә. Ус, солом зөбдг көлгәр тасрлтан угагъар эс теткдсн учрар бригадин көдлмш уралан йовдж бәәхш. Июлин 18 авн 26 күртл зуг 4500 шавр кирпич цокдж гаргъгдв. Иим кевәр цаарандан бригад көдлхлә, ферм эн джил 120 миньгън шавр кирпич кех зурагъан күңәдж чадш уга.

Бәәри газрин тосхлтин материал нигдж муугъар олзлгддж йовх учрар тосхлт хашнъгар кегдлж йовна. Ферм арв-гар гермүд тосхгдх бәәснәс, ода негхн гер эклдж тосхгдсн

бәәнә. Эн утдан 15 метр өргндән 7 метр гер июлин 11-д эклдж кегдсн, ода болхла өрәлнь чигн дуусгдәд уга. Фермин управляющ ұр Свиридов эн тосхлтд төрүц килмджән тәвхш. Зәрм өдрмүдт болхла эн тосхлтд ганцхн күн көдлнә.

Ода кесг хальмг өрк-бүлмүд сән бәәх бәәри уга, шахрар бәәцхәнә. Иигдж цаарандан эн төрт оньган тәвл уга бәәдж болш уга. Энүг арднь ордж чиклх кергтә.

Эн өдрмүдт ферм деер районы организацмудас көдлмштнь дөнъ-нөкдән күргх болдж ұр Т. Шарашкиев ирсн бәәнә. Болв энүнә күңәсн көдлмш үзгдлж бәәхш. Фермд бәәх дуту-дунд хурдар уурулгддж бәәхмн уга. Иим „уполномочен“ улс төрүц тус угань лавта медгдджәнә.

Совхозин дирекц дөрвдгч фермд оньган тусхадж, гардвран чаньгъах зөвтә.

О. ЯМАНОВ.